

Sango - Kodjoni Bira Sambela Mbeti ti Nzapa - Beginning WP Scriptures

Guigui Mbeti ti Nzapa - Confession Scriptures

Esdras 9:7 A commencé na la ti akotara ti ani juska la so, kota mbanga a yeke na li ti ani. Mbanga ti sioye ti ani, A djia ani, agbia ti ani, na asacrificateur ti ani, na ti ti agbia ti sesse nde nde; A fa' ani na épée, A sala si ani ga amgba, A djia ani na ti ti ajo so a gbo ye ti ani, na A sala si kamela a gbo lè ti ani, legueoko tonga na a yeke la so.

Esdras 9:13 Na peko ti ye koue so a ga na ndo ani teti sio koussala ti ani, na teti kota mbanga so a yeke na li ti ani, Mo, Nzapa ti ani, Mo fa' mbanga na ndo ani alingbi na sioye ti ani pepe, na Mo bata teti ani tanga ti ajo so a si guigui na ya mgba,

Néhémie 9:2 A-ale' ti Israël a kangbi popo ti ala na aouande koue, ala louti, ala tene siokpari ti ala na sioye ti akotara ti ala na guigui.

Psaume 24:3,4 Fade jo gne a ma na Hoto ti L'Eternel. Na fade jo gne a louti na ndo ti ndjoni-koue ti Lo. 4 Jo so maboko ti lo na be ti lo a yeke na sioni kete pepe; Lo so a djia be ti lo na ye ti ouataka pepe, Na lo de ba na handa pepe.

Esaïe 59:2 mais sioye ti i a kangbi i na Nzapa ti i, na siokpari ti i a honde lè ti Lo na i, tonga so Lo ma i pepe.

Esaïe 64:6(5) Teti ani koue ani ga tonga na jo so a yeke sioni, na mbilimbili ti ani koue a yeke tonga na bongo ti saleté. Ani koue ani kpi tonga na kougbe, na sioye ti ani a ho na ani tonga na poupou.

Jérémie 5:25 Sioye ti i a fousi legue ti ye so aoue, na siokpari ti i a gbandji ndjoye na i.

Osée 13:8 Fade Mbi gbo ala na legue tonga na mama ti ours so jo a ndji amelengue ti lo, Mbi sourou be ti ala, na Mbi te ala ka tonga na mama ti bamara; fade gnama ti ngounda a sourou ala.

Daniel 9:8,9 O Seigneur, kamela a yeke na lè ti ani, ti agbia ti ani, ti amakounzi ti ani, na ti akotara ti ani, teti ani sala siokpari so a ke Mo. 9 Be-ndjoni na tene ti pardon a yeke ti Seigneur Nzapa ti ani; teti ani loundou ti ke Lo;

Marc 9:24 Na fade fade baba ti melengue so a tene na kongo, Mbi ma na be! Sala na mbi na ndo so mabe ti mbi a manqué!

Luc 11:2 Lo tene na ala, Tonga na i sambela, i tene, Baba, a lingbi iri ti Mo a ngba ndjoni-koue la koue. Ani ye royaume ti Mo a ga. (Matthieu 6:10)

Jean 14:6 Jésus A tene na lo, Mbi yeke Legue, na Tene-biani, na Fini. Jo a ga

na Baba gui na legue ti Mbi.

**Jean 17:15 Mbi hounda Mo pepe ti lounguela ala na sesse so. Mais Mbi voro
Mo ti bata ala si ouato-sioni a sala ye na ala pepe.**

**aRomain 6:12-14 Tonga so i djia siokpari a commandé pepe tele ti i so fade a
koui, ti sala si i ye da na anzala ni. 13 I mou amembre ti tele ti i na
siokpari pepe ti ga aye ti koussala ti sala kirikiri. I so i koui na i kiri na fini
aoue, i mou tele ti i na Nzapa, na i mou amembre ti tele ti i na Nzapa ti ga
aye ti koussala ti sala mbilimbili. 14 A lingbi siokpari a commandé i pepe,
tet i yeke na gbe Ndia pepe mais i yeke na gbe be-ndjoni ti Nzapa.**

**aHébreu 9:28 Tonga so Christ nga A mou Lo mveni legue oko ti yo siokpari ti
ajo mingui. Fade Lo si legue osse ni ti yo siokpari pepe mais ti sau ala so a
yeke kou Lo.**

**Jacques 4:8 I ga ndoulou na Nzapa, na fade Lo ga ndoulou na i. I soukoula
maboko ti i, i aouasiokpari. I soukoula be ti i, i ajo ti be osse.**

**1 Jean 1:9 Lo yeke Be-Tâ-Jo, na Jo Ti Mbilimbili. Tonga na ani tene siokpari ti
ani na guigui, fade Lo pardonné siokpari ti ani, na Lo lounguela ye ti kirikiri
koue ti ani.**

Pardon Mbeti ti Nzapa - Forgiveness Scriptures

**Matthieu 6:12-15 Mo pardonné koda ti ani legueoko tonga na ani nga ani
pardonné aouakoda ti ani. 13 Na Mo djia ani ti na ya handa pepe, mais Mo
dji ani na ti ti ouato-sioni. 14 Teti tonga na i pardonné siokpari ti ajo, fade
Baba ti i na yayou A pardonné i nga. 15 Mais tonga na i pardonné siokpari
ti ajo pepe, fade Baba ti i A pardonné siokpari ti i nga pepe.**

**Matthieu 18:21,22 Tonga so Pierre a ga a tene na Lo, Seigneur, fade mbi
pardonné ita ti mbi legue oke, lo so a sala siokpari so a ke mbi. Legue
mbassambala? 22 Jésus A tene na lo, Mbi tene na mo pepe ti pardonné lo
legue mbassambala, mais mbassambala legue balimbassambala.**

**Matthieu 18:35 Fade Baba ti Mbi na yayou a sala tonga so na i nga, tonga na i
oko oko koue i pardonné a-ita ti i pepe na legue ti be-ndjoni.**

**Marc 11:25,26 Tonga na i louti ti sambela, na be ti i a so na mbeni jo, i
pardonné lo, si Baba ti i so A yeke na yayou A lingbi pardonné asiokpari ti
i. 26 Mais tonga na i pardonné jo pepe, fade Baba ti i so A yeke na yayou A
pardonné asiokpari ti i nga pepe.**

**Luc 6:37 I fa' mbanga pepe, na fade a fa' mbanga ti i pepe. I fa' mbanga na li
ti ajo pepe, na fade mbanga a ti na li ti i pepe. I pardonné ajo, na fade a**

pardonné i.

Luc 11:4 Mo pardonné asiokpari ti ani, teti ani nga, ani pardonné aouakoda koue ti ani. Mo djia ani ti na ya handa pepe.

Luc 17:3,4 I bata ndjoni. Tonga na ita ti mo a sala siokpari, mo djingo na lo. Tonga na lo changé be ti lo, mo pardonné lo. 4 Na tonga na lo sala siokpari so a ke mo legue mbassambala na la oko, na lo kiri na mo legue mbassambala, lo tene, Mbi changé be ti mbi aoue, a lingbi mo pardonné lo.

Luc 23:34 Jésus A tene, Baba, pardonné ala, teti ala hinga pepe ye so ala yeke sala. Ala kangbi bongo ti Lo na popo ti ala na legue ti pika patara.

Koussala ti aBazènguélè 8:22 Tonga so mo ke sioye ti mo na mo hounda Seigneur. Peut-être fade Lo pardonné mo, tene ti ye so mo bi be ti mo ti sala.

aRomain 4:7 Nguia a yeke na ala so A pardonné kengo-ndia ti ala aoue, Na a kanga ndo ti siokpari ti ala aoue.

Ephèse - aEphésien 1:7 Na ya Lo, A ton' ani na legue ti mene ti Lo, na ani ouara pardon ti kengo-ndia ti ani na legue ti mossoro ti grâce ti Lo,

Ephèse - aEphésien 4:32 Na i sala ndjobe na popo ti i, na be-ti-ndoye, i pardonné ye na popo ti i, legueoko tonga na Nzapa A pardonné i nga na ya Christ.

Colosses - aColossien 1:14 na ya Lo, A ton' ani, na ani ouara pardon ti siokpari ti ani.

Colosses - aColossien 2:13-15 Na i, so i koui guiriri na legue ti kengo-ndia ti i, na i koui na legue ti mi-tele ti i so a fa' na ganza pepe, Lo mou fini na i legueoko na Lo, na Lo pardonné kengo-ndia koue ti ani; 14 na Lo lounguela mbeti ti kpingba-tene so a fa' mbanga na li ti ani na a ke ani, Lo lounguela mbeti ni na Lo kanga na pointe na keke-ti-croix. 15 Lo lounguela ye ti bira ti akodjo-guele-ti-commandé na ayanga-ti-commandé, Lo fa ala na guigui, Lo ho ndo ti ala na legue ti keke-ti-croix.

1 Jean 1:9 Lo yeke Be-Tâ-Jo, na Jo Ti Mbilimbili. Tonga na ani tene siokpari ti ani na guigui, fade Lo pardonné siokpari ti ani, na Lo lounguela ye ti kirikiri koue ti ani.

1 Jean 2:12 Mbi yeke sala mbeti so na i, akete melengue, teti A pardonné siokpari ti i aoue teti iri ti Lo.